



Bosnia and Herzegovina  
Federation of Bosnia and Herzegovina  
**CANTON SARAJEVO**  
**Government**

Broj: 02-04-4183-2/20  
Sarajevo, 20.02.2020. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst, 37/14 – Ispravka), a u vezi sa Zaključcima Skupštine Kantona Sarajevo broj: 01-05-25024/17, 01-05-24243/17 od 31.07.2017. godine i Zaključka Kolegija Skupštine Kantona Sarajevo broj: 01-05-1135-7-2/19 od 05.04.2019. godine Vlada Kantona Sarajevo na **59.** sjednici održanoj **20.02.2020.** godine, donijela je sljedeći

## ZAKLJUČAK

1. Prima se na znanje Informacija o realizaciji mjera za sanaciju i reorganizaciju KJKP „GRAS“ d.o.o. Sarajevo, za period 01.10.2019. godine do 01.01.2020. godine.
2. Informacija iz tačke 1. ovog Zaključka, dostavlja se Skupštini Kantona Sarajevo, informativno.

## PREMIJE R

**Edin Forto**

Dostaviti:

1. Predsjedavajući Skupštine Kantona Sarajevo,
2. Zamjenica predsjedavajućeg Skupštine Kantona Sarajevo, gđa. Danijela Kristić,
3. Skupština Kantona Sarajevo,
4. Premijer Kantona Sarajevo,
5. Ministarstvo saobraćaja Kantona Sarajevo,
6. KJKP „Gradski saobraćaj“ d.o.o. Sarajevo (putem Ministarstva saobraćaja),
7. Evidencija,
8. Arhiva.



web: <http://vlada.ks.gov.ba>  
e-mail: [ssv@ssv.ks.gov.ba](mailto:ssv@ssv.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



Informacija o realizaciji aktivnosti po tačkama iz Sanacionog programa / Zaključak  
Skupštine Kantona Sarajevo broj. CI-05-25024/17 od 31.07.2017. godine  
u periodu od 01.10.2019. do 01.01.2020. godine

1. Obavezuje se Vlada Kantona Sarajevo da pokrene inicijativu prema Poreznoj upravi FBiH i Vladi Federacije BiH za donošenje posebne odluke kojom bi se izvršio reprogram obaveza preduzeća KJKP GRAS d.o.o. Sarajevo za neplaćene poreze i doprinose iz predhodnog perioda, na period od 20 godina od dana potpisivanja sporazuma o izmirivanju obaveza, a rješavanje obaveza doprinosi za PIO na način da se izmiruju kako koji uposlenik ostvari pravo na penzionisanje.

**Aktivnosti tačka 1. :** KJKP «GRAS» d.o.o. Sarajevo nastavlja sa isplatama plaća sa pripadajućim porezima i doprinosima koje je započelo od januara 2017.g. U periodu od 01.10.2019. do 01.01.2020.g. isplaćene su plaće radnicima za 4 mjeseca ( avgust, septembar, oktobar i novembar 2019.g.) i naknade za ishranu u toku rada za 3 mjeseca ( septembar, oktobar i novembar 2019.g.). Izmirenje obaveza doprinosi za PIO za period 2009 – 2016 djelimično i sukcesivno se rješavalo penzionisanjem putem Programa zbrinjavanja viška uposlenika u 2019.g. Obzirom da se redovno plaćaju porezi i doprinosi na / iz plata vrši se refundacija tekućih potraživanja za isplaćeno bolovanja koje pada na teret Zavoda zdravstvenog osiguranja.

Očekuje se iznalaženjem rješenja izmirenja nagomilanog duga za direktne poreze iz ranijeg perioda kroz zakonske mehanizme, kojim bi se kroz reprogramiranje obaveza na maksimalan rok od 10 godina, uz pretpostavku redovnog izmirenja obaveza, izvršio otpis kamata, te eventualno i dijela obaveza (glavnice) po osnovu nekih doprinosa.

Obavezni servisiranja reprograma bi morala preuzeti Vlada KS planiranjem dodatnih sredstava u budžetima za naredne godine.

2. Obavezuje se Vlada Kantona Sarajevo da pomogne u obezbjeđivanju sredstava u iznosu od 20 mil KM za izmirivanje obaveza prema Upravi za indirektno oporezivanje BiH (isplatom glavnice duga prema UIO stvara se mogućnost otpisa kamata) i Elektroprivredi BiH (isplatom obaveza prema elektroprivredi smanjili bi se troškovi za električnu energiju za 10%). Obezbeđivanje sredstava će se izvršiti izdavanjem garancija Kantona Sarajevo za zaduživanje KJKP GRAS d.o.o. Sarajevo ili zaduživanjem po osnovu unutrašnjeg duga ili na drugi način u skladu sa zakonskim propisima.

**Aktivnosti tačka 2. :** KJKP «GRAS» d.o.o. Sarajevo nastavlja sa redovnim plaćanjem tekuće obaveze po osnovu PDV-a koje je započelo od marta 2019.g. U periodu od 01.10.2019. do 01.01.2020.g. izmirena je obaveza prema Upravi za indirektno oporezivanje po osnovu tekućeg PDV-a u ukupnom iznosu od 556.440,00 KM. Sredstva obezbjeđuje ministarstvo saobraćaja KS.

Izvršenim plaćanjem prema Upravi za indirektno oporezivanje saniraju se obaveze po osnovu obračunatih kamata i troškova prinudne naplate, a glavnica se i dalje povećava te se ne zaustavlja rast kamata i ukupnog duga. Stalnim isticanjem alarmantnog pitanja izmirenja obaveza po osnovu indirektnih poreza u cijelosti, pokušava se uticati na pokretanje aktivnosti na iznalaženju konačnog rješenja problema i isto se očekuje u najskorije vrijeme.

Ukoliko bi došlo do reprogramiranja duga prema UIO BiH, obavezni servisiranja bi morala preuzeti Vlada KS planiranjem dodatnih sredstava u budžetima za naredne godine.

5. Obavezuje se Vlada Kantona Sarajevo da pripremi pravni propis sa zakonskom snagu u kojem će se odrediti da se u skladu sa Zakonom o komunalnim djelatnostima u Kantonu Sarajevo učini mogućnost poduzimanja prekršajne odgovornosti za odgovorna lica pravnog subjekta koja ne postupaju u skladu sa propisom.
6. Obavezuje se Vlada Kantona Sarajevo da pokrene inicijativu prema Vijeću ministara BiH, Vladi Federacije BiH, te svim općinama u Kantonu Sarajevo u kojoj bi se tražilo da sve institucije i javna preduzeća u državnom vlasništvu koje imaju sjedište na području Kantona Sarajevo ostvaruju pravo na prevoz isključivo na način da se kupuje karta kod javnog prevoznika.

**Aktivnosti tačka 5. i 6. :** Stavljanjem van snage Uredbe o načinu ostvarivanja prava na naknadu za prevoz na posao i sa posla uposlenika u javnim institucijama, fondovima i javnim preduzećima čiji je osnivač Kanton Sarajevo (donesene 03.05.2018. godine) nastavlja se umanjenje prihoda od prodaje mjesecnih karata.

Očekuje se da Vlada KS s ciljem povećanja prihoda KJKP «GRAS» d.o.o. Sarajevo te jačanjem svijesti građana kako o prednostima korištenja javnog prevoza tako i zaštite okoliša razmotriti mogućnost ponovnog donošenja Uredbe.

7. Obavezuje se privremeni upravitelj KJKP "GRAS" d.o.o. Sarajevo da pokrena aktivnosti za korekciju parametra - mjesecni broj vožnji u jednoj zoni za pojedine kategorije putnika. Iako ne postoje detaljne analize o broju ostvarenih vožnji za pojedine kategorije korisnika, izvršiti procjenu korištenja usluga javnog linijskog prijevoza putnika i usvojiti nove parametre broja ostvarenih vožnji i iste primjenjivati do konačnog utvrđivanja broja vožnji za sve kategorije korisnika. U skladu sa Zakonom o komunalnim djelatnostima u Kantonu Sarajevo hitno pokrenuti sve aktivnosti za utvrđivanje cijene javnog prevoza putnika u skladu sa opravdanim troškovima poslovanja i svim ostalim elementima kalkulacije kako bi Vlada Kantona Sarajevo što prije odobrila nove cijene prevoza i kako bi se u što kraćem roku usvojio novi tarifni sistem javnog prevoza.

**Aktivnosti tačka 7. :** U izvještajnom periodu još uvijek nije primljena nikakva informacija u vezi Prijedloga cijena usluga prevoza u javnom gradskom prevozu putnika upućen Ministarstvu saobraćaja 06.12.2018. godine (akt 18629).

9. Obavezuje se privremeni upravitelj KJKP "GRAS" d.o.o. Sarajevo da u kontinitetu kao stalni proces uskladije broj uposlenih u preduzeća sa brojem voznih jedinica procentualno u zavisnosti sa povaćanjem odnosno smanjenjem oba parametra.
10. Obavezuje se privremeni upravitelj KJKP "GRAS" d.o.o. Sarajevo da u narednom periodu u slučaju primanja novih radnika utiče na smanjivanje starosne dobi uposlenih u preduzeću.

**Aktivnosti tačka 9. i 10. :** Broj zaposlenih se smanjuje prirodnim odlivom – penzionisanjem i odlaskom uposlenih po drugim osnovama, a prijem se vrši na osnovu prethodne saglasnosti resornog ministarstva na određeno radno vrijeme, u skladu sa Zaključkom Vlade KS broj ; 02-05-30-2/19 od 03.01.2019.g.

13. Obavezuje se privremeni upravitelj KJKP "GRAS" d.o.o. Sarajevo da vodi stalne aktivnosti u saradnji sa Zavodom za zapošljavanje Kantona Sarajevo i Vladom Kantona Sarajevo u program penzionisanja uposlenih u skladu sa pokrenutim procesom reorganizacije preduzća.

**Aktivnosti tačka 13. :** Realizovan je Program zbrinjavanja viška uposlenika za 2019. godinu na osnovu dostavljenog programa i dokumentacije javnoj ustanovi za zapošljavanje Kantona Sarajevo i Federalnom Zavodu PIO/MIO.

U izvještajnom periodu sačinjen je Programa restrukturiranja i zbrinjavanja viška uposlenih u 2020. godini. Isti je dostavljen ministarstvu saobraćaja kako bi bio odobren od strane ministra te data saglasnost od strane Vlada KS. Sredstva za realizaciju „Programa“ će biti obezbjeđena kroz Budžet Kantona Sarajevo za 2020 godinu.

14. Obavezuje se privremeni upravitelj KJKP "GRAS" d.o.o. Sarajevo da vrši uskladivanje rashode za plate sa ostvarenim prihodima.
15. Obavezuje se privremeni upravitelj KJKP "GRAS" d.o.o. Sarajevo da u saradnji sa Sindikatom KJKP GRAS d.o.o. Sarajevo pregovara o smanjivanju rashoda za plate umanjivanjem plata uposlenih do izlaska preduzeća iz poslovne krize.

**Aktivnosti tačka 14. i 15. :** Ministarstvo saobraćaja KS obezbjeđuje dodatna sredstva za pokriće gubitka a na ime isplate bruto plata uposlenika GRAS-a. U izvještajnom periodu obezbjeđena su dodatna sredstva u iznosu od 5.725.000,00 KM za pokriće gubitka a na ime isplate četiri bruto plata uposlenicima GRAS-a.

17. Obavezuje se privremeni upravitelj KJKP "GRAS" d.o.o. Sarajevo i Ministarstvo saobraćaja Kantona Sarajevo da hitno pokrenu sve aktivnosti na unapređenju informacionog sistema u KJKP GRAS d.o.o. Sarajevo, informatizaciji svih potrebnih procesa u poslovanju preduzeća te da u što kraćem roku poduzmu sve aktivnosti na uvođenju elektronskog sistema naplate u javnom prevozu putnika u Kantonu Sarajevo (u tok postupak javne nabavke), kao i za projekat sistema upravljanja i kontrole funkcionisanja saobraćaja te informisanja korisnika gradskog saobraćaja.

**Aktivnosti tačka 17. :** U toku je realizacija projekta uvođenja elektronskog sistema naplate i sistema upravljanja i kontrole funkcionisanja saobraćaja preko „video zida“ koji će se postaviti u novi dispečerski centar.

U okviru sistema elektronske naplate predviđeno je uvođenje bezkontaktnih „smart“ kartica i postavljanje odgovarajućih poništivača u sva vozila KJKP GRAS i kontrolisana naplata karata na stajalištima.

Projekat obuhvata i sistem informisanje putnika će biti postavljen u vidu displeja na stajalištima sa kontrolisanom naplatom.

Trenutno je završeno postavljanje instalacija i upravljačkog ormarića u vozila KJKP GRAS. U tramvajska vozila su već ugrađene kamere za video nadzor, a njihovo aktiviranje se planira u narednom periodu, na autobusima je postavljena instalacija i oprema, a na minibusima još uvijek nije.

Da bi sistem funkcionisao u punom kapacitetu potrebno je okončati pokrenute aktivnosti na postavljanje poništivača i drugih potrebnih radnji te uraditi jedinstveni tarifni sistem.

18. Obavezuje se privremeni upravitelj KJKP "GRAS" d.o.o. Sarajevo da preduzme sve mjerice organizacione i operativne prirode kako bi se osposobio što veći broj vozila za povećanje redovnosti i pouzdanosti održavanja linija na području Kantona Sarajevo, a informacije o održavanju registrovanih redova vožnje dostavljati svakodnevno Ministarstvu saobraćaja.

**Aktivnosti tačka 18. :** Svakodnevno se provode sve potrebne aktivnosti kako bi se osposobio što veći broj tehnički ispravnih vozila.

U izvještajnom period izvršena je primopredaja preostalih 7 rabljenih zglobnih autobusa ( od ukupno 10 nabavljenih ) – pogon na LPG, čime su se poboljšali uslovi za održavanje redova vožnji.

Okončan je postupak i izvršena nabavka 7 rabljenih zglobnih trolejbusa koji će dodatno poboljšati pokrivenost redova vožnji javnog prevoza.

Nabavka plaćena sredstvima planiranim Budžetom Vlade Kantona Sarajevo za 2019. godinu.

21. Obavezuje se privremeni upravitelj KJKP "GRAS" d.o.o. Sarajevo da izvrši centralizaciju magacina u cilju smanjenja broja uposlenih i povećanja kontrole nad skladištenjem rezervnih djelova.

**Aktivnosti tačka 21. :** Aktivnosti na centralizaciji magacina, odnosno centralizaciji skladišnog poslovanja su okončane u smislu izrade softverske aplikacije, nabavke adekvatne kompjuterske opreme, provedena obuka radnika u skladištima i u okviru komercijalne službe. U izvještajnom period je započet unos Ugovora u bazu podataka koja će biti polazna osnova za izradu trebovanja, narudžbenica, ulaza robe u skladišta preduzeća čime se omogućava svakodnevno praćenje realizacije Ugovora. Program centralizacije skladišta će biti uvezan sa programom provođenja javnih nabavki, u smislu da se nakon okončanja procedure javne nabavke i zaključenja Okvirnog sporazuma / Ugovora isti postaje baza za procedure skladišnog poslovanja.

23. Obavezuje se privremeni upravitelj KJKP "GRAS" d.o.o. Sarajevo da doneše Etički kodeks o oblačenju i ponašanju uposlenika KJKP GRAS d.o.o. Sarajevo, te izvrši uniformisanje svih uposlenih koji rade u neposrednom kontaktu sa korisnicima usluga.

**Aktivnosti tačka 23. :** Okončane su aktivnosti na izradi procedura javne nabavke službene odjeće ( tenderske dokumentacija ) za uposlenike koji rade u neposrednom kontaktu sa korisnicima usluga ( vozači, kontrolori...). Urađena je sveobuhvatna analiza (ispitivanje) tržišta za robe koje su date u specifikaciji kako bi se došlo do realne tržišne vrijednosti za navedenu nabavku. Obzirom da se radi o značajnim finansijskim sredstvima ( cca 672.000,00 KM ) procedura navedene nabavke će se provesti ukoliko iznađe način finansiranja.

36. Obavezuje se privremeni upravitelj KJKP "GRAS" d.o.o. Sarajevo da trenutni prostor gdje je smješten sektor minibuskog saobraćaja a koji se ujedno nalazi na trasi "I transverzala" pokrene aktivnosti izmještanja istog na lokaciju u ulici Srđana Aleksića broj 1. Pored toga da u saradnji sa Ministarstvom saobraćaja – Direkcija za ceste i Zavodom za izgradnju Kantona Sarajevo izvršiti obračun svih troškova za ekspropriaciju i izmještanje minibuskog saobraćaja po EBRD procedurama.

Aktivnosti tačka 36.: Okončana procedura izmjешanja Minibuskog saobraćaja koji se nalazio na trasi "I transverzala" na lokaciju u ulici Srdana Aleksića broj 1.

38. Obavjezuje se privremeni upravitelj da u saradnji Ministarstvo saobraćaja Kantona Sarajevo da pripremi plan investicionog ulaganja u javni prevoz putnika za period od narednih 15 godina, sa prioritetom hitne nabavke voznih jedinica.

Aktivnosti tačka 38.: Urađen plan investicionog ulaganja u javni prevoz putnika za period od narednih 10 godina i dostavljen upravljačkim strukturama preduzeća na usvajanje.





DRŽAVNO PREDSTVITELJSTVO  
ZA PRAVOSUDSTVO  
CRVENE KRUŠKE  
SARAJEVO  
71000 Sarajevo, Srdana Aleksića 1



UFF - 243001  
 470-051-040009  
 2050581-43461  
**01632095**  
**60212**  
 Fax: 033 / 452-186

Broj: 1254

Datum:

**Federacija Bosne i Hercegovine  
KANTON SARAJEVO  
Ministarstvo saobraćaja  
n/r Ministra**

PREDMET: Informacija o realizaciji mjera za sanaciju i reorganizaciju  
KJKP «GRAS». d.o.o. Sarajevo

27.-01-2020

U cilju praćenja realizacije Zaključka Skupštine Kantona Sarajevo broj: 01-05-24243/17 od 31.07.2017. godine, a po Zaključku Vlade Kantona Sarajevo broj :02-05-13232-11.1/19 od 04.04.2019.g. u prilogu dostavljamo Informaciju o realizaciji mjera za sanaciju i reorganizaciju KJKP «GRAS» d.o.o. Sarajevo za period 01.10.2019. godine do 01.01.2020. godine / veza Vaš Zahtjev broj: 04-27-976-1-2/20 KM od 15.01.2020. godine.

S poštovanjem,



Transakcijski računi: Intesa Sanpaolo banka Sarajevo

1540012000237552

Raiffeisen bank Sarajevo  
Sparkasse bank Sarajevo  
UNI Credit bank Sarajevo  
Turkish bank

1610000033890065  
1990490005037053  
3383202251291827  
1B60001048034002

Union banks Sarajevo	1020440000004172
Hypo Alpe-Adria bank Sarajevo	3060510000013088
Vakufska banka Sarajevo	160200000035331
NLB Tuzlanska banka	1322602007868015

OB - 002

Bosna i Hercegovina  
Federacija Bosne i Hercegovine  
**KANTON SARAJEVO**  
Vlada



Босна и Херцеговина  
Федерација Босне и Херцеговине  
**КАНТОН САРАЈЕВО**  
Влада


Bosnia and Herzegovina  
Federation of Bosnia and Herzegovina  
**CANTON SARAJEVO**  
Government

Broj: 02-05-13232-11.1/19  
Sarajevo, 04.04.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 26/14 – Novi prečišćeni tekst, 37/14 – Ispravka), Vlada Kantona Sarajevo na 13. sjednici održanoj 04.04.2019. godine, donijela je sljedeći

## ZAKLJUČAK

Vlada Kantona Sarajevo predlaže Kolegiju Skupštine Kantona Sarajevo da se Informacija o realizaciji mjera za sanaciju i reorganizaciju KJKP „GRAS“ d.o.o. Sarajevo dostavlja kvartalno umjesto mjesечно, radi razmatranja iste na Radnim sjednicama Skupštine Kantona Sarajevo.



Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Kolegij Skupštine Kantona Sarajevo
4. Premier Kantona Sarajevo
5. Ministarstvo saobraćaja Kantona Sarajevo
6. KJKP „Gradski saobraćaj“ d.o.o. Sarajevo (putem Ministarstva saobraćaja)
7. Evidencija
8. Arhiva



web: <http://vlada.ks.gov.ba>  
e-mail: [ssv@ssv.ks.gov.ba](mailto:ssv@ssv.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1





Na osnovu člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15 i 48/16), člana 7. Zakona o imovini Kantona Sarajevo („Službene novine Kantona Sarajevo“ br. 6/97, 9/98 i 5/10), člana 11. Zakona o upravljanju privrednim društvima u nadležnosti Kantona Sarajevo („Službene novine Kantona Sarajevo“, broj 8/01), a u vezi sa Zaključkom Skupštine Kantona Sarajevo broj: 01-05-20167/17 od 31.05.2017.godine, Skupština Kantona Sarajevo na sjednici održanoj dana 31.07.2017. godine, donijela je slijedeći

### Z A K L J U Č A K

1. Obavezuje se Vlada Kantona Sarajevo da pokrene inicijativu prema Poreznoj upravi FBiH i Vladi Federacije BiH za donošenje posebne odluke kojom bi se izvršio reprogram obaveza preduzeća KJKP GRAS d.o.o. Sarajevo za neplaćene poreze i doprinose iz predhodnog perioda, na najduži rok za reprogram sa Poreskom upravom od dana potpisivanja sporazuma o izmirivanju obaveza, a rješavanje obaveza doprinosi za PIO na način da se izmiruju kako koji uposlenik ostvari pravo na penzionisanje.
2. Obavezuje se Vlada Kantona Sarajevo da pomogne u obezbjeđivanju sredstva u iznosu od 20 mil KM za izmirivanje obaveza prema Upravi za indirektno oporezivanje BiH (isplatom glavnice duga prema UIO stvara se mogućnost otpisa kamata) i Elektroprivredi BiH (isplatom obaveza prema elektroprivredi smanjili bi se troškovi za električnu energiju za 10%). Obezbeđivanje sredstava će se izvršiti izdavanjem garancija Kantona Sarajevo za zaduživanje KJKP GRAS d.o.o. Sarajevo ili zaduživanjem po osnovu unutrašnjeg duga ili na drugi način u skladu sa zakonskim propisima.
3. Obavezuje se privremeni upravitelj KJKP "GRAS" d.o.o. Sarajevo da u saradnji sa uposlenicima KJKP GRAS d.o.o. Sarajevo pripremi sporazum prijedloga vansudske nagodbe sa uposlenicima KJKP GRAS d.o.o. Sarajevo o izmirivanju obaveza po tužbama radnika, na primjer: na način da bi se radnici odrekli kamata i 50% dosuđenog iznosa tužbe, dok bi se preostali dio tužbe u iznosu od 50 % isplatio u narednih 10 godina sa grejs periodom od 3 godine ili na način da bi se radnici odrekli kamata, dok bi se tužbe isplatile u narednih 15 godina sa grejs periodom od 3 godine ili na drugi moguć način.
4. Obavezuje se Vlada Kantona Sarajevo da Budžetom Kantona Sarajevo za 2018 godinu planira sredstva u iznosu od 20 mil KM za investiciona ulaganja u KJKP GRAS d.o.o. Sarajevo. Ulaganja će se izvršiti u skladu sa utvrđenim prioritetima koje utvrdi Ministarstvo saobraćaja Kantona Sarajevo, a koji će usvojiti Skupština Kantona Sarajevo.



*ZAKLJUČAK I KONZUM  
d: 01.05.2017. /f/ oD 34.07.2017.*

5. Obavezuje se Vlada Kantona Sarajevo da pripremi pravni propis sa zakonskom snagom kojim će biti utvrđeno da se naknada za prevoz u svim pravnim subjektima kojima je osnivač Kantona Sarajevo i to za sve uposlene (bez obzira na udaljenost od mjesta stanovanja do mjesta zaposlenja) ostvaruje isključivo kupovinom mjesecnih ili godišnjih karata za prevoz. Naknada za prevoz će se morati obezbjediti za svakog uposlenika u pravnom subjektu kupovinom kupona kod javnog prevoznika uz mogućnost poduzimanja prekršajne odgovornosti za odgovorna lica pravnog subjekta koja ne postupaju u skladu sa propisom.
6. Obavezuje se Vlada Kantona Sarajevo da pokrene inicijativu prema Vijeću ministara BiH, Vladi Federacije BiH, te svim općinama u Kantunu Sarajevo u kojoj bi se tražilo da sve institucije i javna preduzeća u državnom vlasništvu koje imaju sjedište na području Kantuna Sarajevo ostvaruju pravo na prevoz isključivo na način da se kupuje karta kod javnog prevoznika.
7. Obavezuje se privremeni upravitelj KJKP "GRAS" d.o.o. Sarajevo da pokrena aktivnosti za korekciju parametra - mjesecni broj vožnji u jednoj zoni za pojedine kategorije putnika. Iako ne postoje detaljne analize o broju ostvarenih vožnji za pojedine kategorije korisnika, izvršiti procjenu korištenja usluga javnog linjskog prijevoza putnika i usvojiti nove parametre broja ostvarenih vožnji i iste primjenjivati do konačnog utvrđivanja broja vožnji za sve kategorije korisnika. U skladu sa Zakonom o komunalnim djelatnostima u Kantunu Sarajevo hitno pokrenuti sve aktivnosti za utvrđivanje cijene javnog prevoza putnika u skladu sa opravdanim troškovima poslovanja i svim ostalim elementima kalkulacije kako bi Vlada Kantuna Sarajevo što prije odobrila nove cijene prevoza i kako bi se u što kraćem roku usvojio novi tarifni sistem javnog prevoza.
8. Obavezuje se privremeni upravitelj KJKP "GRAS" d.o.o. Sarajevo da u što kraćem roku pripremi novi sistem organizacije i makro organizacione strukture preduzeća sa maksimalnim brojem do 1.190 radnika u skladu sa postojećim raspoloživim brojem voznih jedinica u roku do 30 dana.
9. Obavezuje se privremeni upravitelj KJKP "GRAS" d.o.o. Sarajevo da u kontinitetu kao stalan proces usklađuje broj uposlenih u preduzeća sa brojem voznih jedinica procentualno u zavisnosti sa povaćanjem odnosno smanjenjem oba parametra.
10. Obavezuje se privremeni upravitelj KJKP "GRAS" d.o.o. Sarajevo da u narednom periodu u slučaju primanja novih radnika utiče na smanjivanje starosne dobi uposlenih u preduzeću.
11. Obavezuje se privremeni upravitelj KJKP "GRAS" d.o.o. Sarajevo da izvrši detaljnu kadrovsку analizu starosne dobi i radnog staža zaposlenika koji novom organizacijom nisu planirani i sačini plan zbrinjavanja prekobrojnih uposlenih za čije zbrinjavanje će biti planirana sredstva u budžetu.
12. Obavezuje se Vlada Kantona Sarajevo da u Budžetu Kantona Sarajevo za 2018. godinu planira sredstva u iznosu od 6.000.000,00 KM za program zbrinjavanje radnika i participaciju sa JU Služba za zapošljavanje Kantona Sarajevo za penzionisanje uposlenika koji su stekli uslove za penzionisanje ili je određen broj uposlenih potrebno zbrinuti na drugi način (dokup radnog staža i dr.) a koji se pokažu kao višak nakon usvajanja nove organizacije i sistematizacije preduzeća.



web: <http://skupstina.ks.gov.ba>

e-mail: [skupstina@skupstina.ks.gov.ba](mailto:skupstina@skupstina.ks.gov.ba)

Tel: + 387 (0) 33 562-055, Fax: + 387 (0) 33 562-210

Sarajevo, Reisa Džemaludina Čauševića 1



13. Obavezuje se privremeni upravitelj KJKP "GRAS" d.o.o. Sarajevo da vodi stalne aktivnosti u saradnji sa Zavodom za zapošljavanje Kantona Sarajevo i Vladom Kantona Sarajevo u program penzionisanja uposlenih u skladu sa pokrenutim procesom reorganizacije preduzća.
14. Obavezuje se privremeni upravitelj KJKP "GRAS" d.o.o. Sarajevo da vrši usklađivanje rashode za plate sa ostvarenim prihodima.
15. Obavezuje se privremeni upravitelj KJKP "GRAS" d.o.o. Sarajevo da u saradnji sa Sindikatom KJKP GRAS d.o.o. Sarajevo pregovara o smanjivanju rashoda za plate umanjivanjem plata uposlenih do izlaska preduzeća iz poslovne krize.
16. Obavezuje se Vlada Kantona Sarajevo da iz Budžeta Kantona Sarajevo za 2017. godinu obezbjedi dodatna sredstva u iznosu od 7.000.000,00 KM (radi prevazilaženja pitanja isplata bruto plata – sredstva planirati kao pokriće gubitka), preraspodjelom sredstava ili izmjenama i dopunama Budžeta Kantona Sarajevo čime bi se omogućila nesmetana isplata plata uposlenicima preduzeća KJKP GRAS d.o.o. Sarajevo do kraja ove godine.
17. Obavezuje se privremeni upravitelj KJKP "GRAS" d.o.o. Sarajevo i Ministarstvo saobraćaja Kantona Sarajevo da hitno pokrenu sve aktivnosti na unapređenju informacionog sistema u KJKP GRAS d.o.o. Sarajevo, informatizaciji svih potrebnih procesa u poslovanju preduzeća te da u što kraćem roku poduzmu sve aktivnosti na uvođenju elektronskog sistema naplate u javnom prevozu putnika u Kantonu Sarajevo (u tok postupak javne nabavke), kao i za projekat sistema upravljanja i kontrole funkcionisanja saobraćaja te informisanja korisnika gradskog saobraćaja.
18. Obavezuje se privremeni upravitelj KJKP "GRAS" d.o.o. Sarajevo da preduzme sve mjere organizacione i operativne prirode kako bi se osposobio što veći broj vozila za povećanje redovnosti i pouzdanosti održavanja linija na području Kantona Sarajevo, a informacije o održavanju registrovanih redova vožnje dostavljati svakodnevno Ministarstvu saobraćaja.
19. Obavezuje se Ministarstvo saobraćaja Kantona Sarajevo da se svi postupci o brisanju redova vožnje koje vodi Ministarstvo saobraćaja obustave na period od 180 dana, a nakon isteka tog vremena da Uprava za inspekcijske poslove Kantona Sarajevo za sve linije izvrši ponovnu inspekcijsku kontrolu i da se u skladu sa istim nastavi dalji postupak u skladu sa pozitivnim zakonskim propisima.
20. Obavezuje se privremeni upravnik KJKP GRAS d.o.o. Sarajevo i Ministarstvo saobraćaja Kantona Sarajevo da hitno pripreme prijedlog optimizacije linija tj. optimalizaciju redova vožnje u cilju povećanja prihoda i smanjenja troškova koji nastaju kod realizacije istih.
21. Obavezuje se privremeni upravitelj KJKP "GRAS" d.o.o. Sarajevo da izvrši centralizaciju magacina u cilju smanjenja broja uposlenih i povećanja kontrole nad skladištenjem rezervnih djelova.



1602 007 111

22. Obavezuje se privremeni upravitelj KJKP "GRAS" d.o.o. Sarajevo za provođenje mjera kojima će se povećati čistoća vozila, urednost osoblja i bolje informisanje o prevozu kao i da primijeni najbolje poslovne prakse u strateškom i operativnom radu preduzeća.
23. Obavezuje se privremeni upravitelj KJKP "GRAS" d.o.o. Sarajevo da doneše etički kodeks o oblačenju i ponašanju uposlenika KJKP GRAS d.o.o. Sarajevo, te izvrši uniformisanje svih uposlenih koji rade u neposrednom kontaktu sa korisnicima usluga.
24. Obavezuje se privremeni upravitelj KJKP "GRAS" d.o.o. Sarajevo da uvede detaljnu kontrolu dolaska i odlaska uposlenika na posao i sa posla te najstrožije kazni one koji ne dolaze redovno na posao.
25. Obavezuje se privremeni upravitelj KJKP "GRAS" d.o.o. Sarajevo da organizuje urgentno istraživanje stepena naplate karti po strukturi korisnika, po linijama i redovima vožnje.
26. Obavezuje se privremeni upravitelj KJKP "GRAS" d.o.o. Sarajevo da u saradnji sa Ministarstvom unutrašnjih poslova Kantona Sarajevo unaprijedi koordinaciju i operativnu saradnju sa njihovim pripadnicima u cilju zaštite sistema naplate i stvaranja uslova za nesmetan rad vozača i kontrolora naplate u skladu sa odredbama kantonalnog Zakona o prekršajima i Zakona o ovlaštenjima kontrolora.
27. Obavezuje se privremeni upravitelj KJKP "GRAS" d.o.o. Sarajevo da dostavi prijedlog cjenovnika za komercijalne linije, a da iznos za jednu vožnju ne bude veći od 2,00 KM.
28. Obavezuje se privremeni upravitelj KJKP "GRAS" d.o.o. Sarajevo da izradi plan i dinamiku izmirivanja finansijskih obaveza prema dobavljačima u rok 90 dana i isti dostavi Ministarstvu saobraćaja i Vladi Kantona Sarajevo.
29. Obavezuje se privremeni upravitelj KJKP "GRAS" d.o.o. Sarajevo da preispita sve ugovore i način sticanja prava a posebno za reklamiranje na vozilima KJKP "GRAS" d.o.o. Sarajevo, te raskine sve ugovore koji su štetni za preduzeće, i da pokrene postupke protiv odgovornih lica za sklapanje štetnih ugova za preduzeće.
30. Obavezuje se Vlada Kantona Sarajevo i Ministarstvo saobraćaja da ustupe sva prava koja su vezana za kosi lift na Ciglanama Općini Centar koja će preuzeti upravljanje liftom.
31. Obavezuje se privremeni upravitelj KJKP "GRAS" d.o.o. Sarajevo da izda prostor za društvenu ishranu trećim licima s ciljem ostvarivanja dodatnih prihoda od zakupa za poslovnu jedinicu koja trenutno ostvaruje gubitak.
32. Obavezuje se privremeni upravitelj KJKP "GRAS" d.o.o. Sarajevo da izvrši detaljnu analizu poslovanja svih poslovnih jedinice i da poslovne jedinicu koja trenutno ostvaruje gubitak (koje su neprofitabilne) tj. korištenjem usluga od trećih lica



(outsourcing) bi se smanjili troškovi, pokrene postupak ukidanja istih i za obavljanje tih usluga koristiti usluge trećih lica.

33. Obavezuje se privremeni upravitelj KJKP "GRAS" d.o.o. Sarajevo da uvede punu kontrolu ulaza u vozila na polaznim stajalištima za autobuski i minibuski saobraćaj putem službi kontrole, zaštitara i policije.
34. Obavezuje se Ministarstvo saobraćaja Kantona Sarajevo da u što kraćem roku pristupi izradi zakonskih i podzakonskih akata koji uređuju oblast javnog gradskog prevoza u Kantonu Sarajevo.
35. Obavezuje se privremeni upravitelj KJKP "GRAS" d.o.o. Sarajevo da pokrene aktivnosti vezane za rješavanje vlasničkih odnose, u vezi sporne imovine KJKP GRAS d.o.o. Sarajevo koju čini zemljište na Jahorini, hotel "Dalmacija" u Kiseljaku sa pripadajućim zemljištem i zemljište u Bačićima i eventualno druge nekretnine.
36. Obavezuje se privremeni upravitelj KJKP "GRAS" d.o.o. Sarajevo da trenutni prostor gdje je smješten sektor minibuskog saobraćaja a koji se ujedno nalazi na trasi "I transverzala" pokrene aktivnosti izmjene istog na lokaciju u ulici Srdana Aleksića broj 1. Pored toga da u saradnji sa Ministarstvom saobraćaja – Direkcija za ceste i Zavodom za izgradnju Kantona Sarajevo izvršiti obračun svih troškova za ekspropriaciju i izmještanje minibuskog saobraćaja po EBRD procedurama.
37. Obavezuje se Ministarstvo saobraćaja Kantona Sarajevo da u saradnji sa svim zainteresovanim stranama izradi strategiju razvoja javnog prevoza u Kantonu Sarajevo.
38. Obavezuje se privremeni upravitelj da u saradnji Ministarstvo saobraćaja Kantona Sarajevo da pripremi plan investicionog ulaganja u javni prevoz putnika za period od narednih 15 godina, sa prioritetom hitne nabavke voznih jedinica.
39. Obavezuje se privremeni upravitelj KJKP "GRAS" d.o.o. Sarajevo da redovno informiše Ministarstvo saobraćaja i Vladu Kantona Sarajevo o broju prodatih kaznenih karti te o broju pokrenutih prekršajnih naloga zbog voženja bez odgovarajuće karte.
40. Obavezuje se privremeni upravitelj KJKP "GRAS" d.o.o. Sarajevo da u saradnji sa Ministarstvom saobraćaja, Ministarstvom obrazovanja i Univerzitetom pokrene aktivnosti uvođenja obavezogn plaćanja studentima za korištenje usluga javnog linijskog prijevoza putnika i to prilikom upisa na visokoškolsku obrazovnu ustanovu.
41. Obavezuje se privremeni upravitelj KJKP "GRAS" d.o.o. Sarajevo i Ministar saobraćaja Kantona Sarajevo da nakon isteka 9 (devet) mjeseci od usvajanja ovih zaključaka izvjeste Skupštinu Kantona Sarajevo o realizaciji istog sa prijedlogom o nastavku sanacije ili prijedlogom pokretanja stečaja – likvidacije KJKP GRAS d.o.o. Sarajevo odnosno i ranije u slučaju da procjene da se zaključci ne mogu provesti i da se preduzeće ne može oporaviti i poslovali bez gubitaka u narednom periodu.



Pokretanjem stečaja – likvidacije KJKP GRAS d.o.o. Sarajevo, pokrenuti i aktivnosti formiranja novog preduzeća utemeljenog na ekonomskim principima (osnivanje novog pravnog lica, osnivanje nova dva pravna lica ili dr.).

42. Ovlašćuje se privremeni upravitelj KJKP "GRAS" d.o.o. Sarajevo da preuzme sve nadležnosti upravljačkih struktura privrednog društva (Skupština KJKP "GRAS" d.o.o. Sarajevo, Nadzorni odbor KJKP "GRAS" d.o.o. Sarajevo i uprava KJKP "GRAS" d.o.o. Sarajevo) uz nadzor Ministarstva saobraćaja i saglasnost Vlade Kantona Sarajevo za donošenje odluka iz nadležnosti Skupštine i Nadzornog odbora KJKP "GRAS" d.o.o. Sarajevo.
43. Obavezuje se privremeni upravitelj KJKP "GRAS" d.o.o. Sarajevo da sve akte koje je donio KJKP "GRAS" d.o.o. Sarajevo a isti su na snazi uskladiti sa trenutnom pravnom situacijom i u roku do 30 dana dostaviti Vladi Kantona Sarajevo na saglasnost.
44. Obavezuje se Vlada Kantona Sarajevo da imenuje privremenog upravitelja KJKP GRAS d.o.o. Sarajevo na period od najmanje godinu dana.
45. Rokovi za realizaciju svih zaključaka je 90 dana za one zaključke za koje samim zaključkom nije utvrđeno drugačije.

Sarajevo, 31.07.2017. godine

Broj: 01-05-25024/17



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055, Fax: + 387 (0) 33 562-210  
Sarajevo, Reisa Džemaludina Čauševića 1



Broj:01-05-24243/17  
Sarajevo, 07.08.2017.godine

## VLADA KANTONA SARAJEVO

Dostavljamo Vam Zaključak koji je donijela Skupština Kantona Sarajevo, na sjednici održanoj dana 31.07.2017. godine.

### DOSTAVLJENO:

- 1.Predsjedateljica SKS
- 2.Zamjenik predsjedavajuće S.Bukva
- 3.Zamjenik predsjedavajuće S.Delalić
- ④Ministarstvo saobraćaja KS
- 5.KJKP "Gradski saobraćaj" d.o.o.  
Srđana Aleksića 1 Sarajevo
- 6.Sekretar Vlade KS
- 7.Sekretar Skupštine KS
- 8.Dokumentacija sjednice
- 9.a/a

### PO OVLAŠTENJU SEKRETAR

Almira Kulovac Šetkić dipl.pravnik s.r.



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055, Fax: + 387 (0) 33 562-210  
Sarajevo, Reisa Džemaludina Čauševića 11





Na osnovu člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15 i 48/16), Skupština Kantona Sarajevo na sjednici održanoj dana 31.07.2017.godine, donijela je slijedeći

### ZAKLJUČAK

Obavezuje se privremenim upravitelju KJP "GRAS" Sarajevo da svaka tri mjeseca izvjesti Vladu i Skupštinu Kantona Sarajevo o prevedenim mjerama sanacije u KJP "GRAS" Sarajevo.

Broj:01-05-24243 /17  
31.07.2017.godine  
SARAJEVO



Босна и Херцеговина  
Federacija Bosne i Hercegovine  
SKUPŠTINA KANTONA  
SARAJEVO



Босна и Херцеговина  
Федерација Босне и Херцеговине  
СКУПШТИНА КАНТОНА  
САРАЈЕВО

Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**


**Kolegij**

Broj: 01-05-1135-7-2/19  
Sarajevo, 05.04.2019. godine

Kolegij Skupštine Kantona Sarajevo je na sjednici održanoj dana 05.04.2019. godine, donio je sljedeći:

**ZAKLJUČAK**

Prihvata se prijedlog Vlade Kantona Sarajevo da se Informacija o realizaciji mjera za sanaciju i reorganizaciju KJKP "GRAS" d.o.o. Sarajevo dostavlja kvartalno, umjesto mjesečno, radi razmatranja iste na Radnim sjednicima Skupštine Kantona Sarajevo.



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1

